



Inatsisartunut ilaasortaq  
Steen Lynge  
Atassut  
-/Maani

- 5 MAR. 2016

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

**§ 37 naapertorlugu apeqqummut 29-imut inummut ilanngaatiq nunamullu tamarmut akileraarutip qaffanneqarnissaanut tunngasumut akissut.**

Brevdato: 24-02-2016  
Sags nr. 2016 - 3905  
Dok. nr. 2225437

P. O. Box 1037  
3900 Nuuk

Tel. (+299) 34 50 00  
Fax (+299) 34 63 50

E-mail: oed@nanoq.gl  
www.naalakkersuisut.gl

Asasara Steen Lynge:

Inatsisartut suleriaasianni § 37, imm. 1 naapertorlugu, inummut ilanngaatiq nunamullu tamarmut akileraarutip qaffanneqarnissaanut tunngasunik apeqqutinik arlalinnik saqqummiussivutit.

Siumup, Demokraatit Atassutillu naalakkersuisooqatigiinnissamut isumaqatigiissutaanni pissutsit tamakku kalluarneqarput, ilaatigummi ima allassimasoqarpoq:

*"Nuna tamakkerlugu akileraarut qinigaaffimmi nikissanngilaq.*

...

*Isertitakinnerpaat aningaasatigut oqilisaaffigineqarsinnaaqqullugit, inummut ilanngaatiq qaffanneqarsinnaanera akileraartarnermut aaqqissuusseqqinnermut ilanngullugu nalilersuiffigineqassaaq."*

**Qanoq akileraartarnikkut inummut ilanngaatiq 5.000,- korusunik qaffanneqarpat nunatta karsianut akeqassava?**

Inummut ilanngaatiq 5.000 kr-inik qaffanneqarnerisigut isertitassatut toqqammavigisat 220 million korusunik missaannik annikillisinneqassapput. Agguaqatigiissillugulu akileraarutaasartooq aallaavigalugu ataatsimut akileraarutitigut isertitat 95 million korusunik annikillisinneqassapput, taakkulu nunatta karsianut 22 million korusunik, kommuninullu kiisalu kommuninut ataatsimoortumik akileraarummut 73 million korusunik agguataarsimapput.

**Qanoq akileraartarnikkut inummut ilanngaat 5.000,- koruuninik qaffanneqarpat nunatta karsianut akeqassava?**

Inummut ilanngaatip 10.000 koruuninik qaffannera, qulaani allassimasut naapertorlugit, ataatsimut akileraarutitigut isertitat 190 million koruuninik annikilleriartitsissaaq, taakkulu nunatta karsianut 44 million koruuninik, kommuninullu kiisalu kommuninut ataatsimoortumik akileraarummut 146 million koruuninik agguataarsimapput.

**Qanoq annertutigisumik nunatta karsia iluanaaruteqassava nunatsinnut akileraarut 1 procentimik qaffanneqarpat?**

Nuna tamakkerlugu akileraarutip 10 procentimit 11 procentimut qaffanneqarnera 83 million koruunit missaannik isertitaqarnerulernermik nassataqassaaq.

Kisitsilli siuliani taaneqartut mianersortumik tiguneqassapput, allannguutimmi akileraartartut ataasiakkaat pissusilersuutimikkut allannguuteqarnerannik nassataqarsinnaapput. Assersuutigalugulu aningaasaqarnikkut ilisimasallit akornanni akileraarnerulernerup sulisinnaasut ikileriartarnerat nassatarisaraa isumaqatigiissutigaa, ilaasami sulinani sulinnginnissaq toqqartarpaat.

Inummut ilanngaat 48.000 koruuniusoq kingullermik ukioq akileraarfik 2005-imi atuutilersumik qaffanneqarpoq, taamanikkullu 40.000 koruunimit 48.000 koruunimut qaffanneqarpoq, peqatigisaanillu kommuninut ataatsimoortumik akileraarut 4 procentimit 6 procentimut qaffanneqarpoq.

Akileraarusiisummik qaffaanermut, inummulluunniit ilanngaammik qaffaanermut taarsiullugu taakku tamarmik qaffanneqarsinnaapput, taamaalilluni inummut ilanngaat nunalu tamakkerlugu akileraarut qaffanneqarlutik.

Taakkullu assigiinngitsorpassuarnik katiterneqarsinnaapput, nunamulli tamarmut akileraarummik 1 procentimik qaffaaneq, inummullu ilanngaatip 5.000 koruuninik qaffanneqarnera assersuutitut taaneqarsinnaavoq, taakkulu tamarmik ataatsimut katillutik pisortat karsiinut aningaasartuuteqarneruffiunatillu isertitaqarnerulersitsinngingajavissapput (isertitassat 12 mio. koruuninik annikinnerulissapput), tamatumalu nassatarisaanik inuit ukiumut 280.000 koruunit ataallugit annikitsumik akileraarutitigut oqilisaavigineqassapput, akerlianillu inuit ukiumut 280.000 koruunit sinnerlugit isertitaqartut annikitsumik akileraarutitigut qaffaavigineqassapput.

Assersuutigalugu inuk ukiumut 150.000 koruuninik isertitalik, ukiumut 1.280 koruuninik akileraarutitut akiliinikinnerulissaaq, akerlianillu inuk ukiumut 400.000 koruuninik isertitalik ukiumut 1.220 koruuninik akileraarnerusalissalluni. Kisitsisit taakku agguaqatigiissillugu akileraarusiissutip 43 procentimit 44 procentimut qaffanneqarnera aallaavigalugu naatsorsugaapput.

Naggasiullugulu akileraarutit qaffanneqarnerat sulisartunik ilinniarsimasunik pilerilersitsinissaaq tigumminiinnarnissarlu ajornarnerulersissammassuk oqaatigineqassaaq.

Inussiarnersumik inuulluaqqusillunga

  
Randi Vestergård Evaldsen